

Nedän acaba?



“Aačlık kurbannarını Anmak Günü”ndä Gagauziya Başkanından hem Başkanın presasından ne bir söz sızdı ne da yazı çıktı.

Canavar ayın (oktabri) 19-zu “Aačlık kurbannarını Anmak Günü” Gagauziyada oldu



Canavar ayın (oktabri) 15-dä Gagauziya Halk Topluşu (GHT) kendisinin XXX-cu toplantısında, inceleyerek GHT deputatların Elena KARAMİTın hem Ekaterina JEKOVAının zakon teklifini “Gagauziyada 1946-1947 yıllarda aaçlık kurbannarını Anmak Günü” Canavar ayın (oktabri) 19-da olsun deyni, Karar aldı Gagauziyada bu gündä “Aačlık kurbannarını Anmak Günü” ofițial olarak bakılsın.

Materialları okuyun 3-cü hem 6-cı sayflarda



Türkiye Respublikasının 96-cı yaşına reçeptiya

Canavar ayın (oktabri) 29-da tamamlandı 96 yıl nicä türk halkın Bük öndercisi Mustafa Kemal ATATÜRK kurdu Türkiye Respublikasını. Bu yortuylan ilgili olarak Canavar ayın (oktabri) 29-da Moldova Türkiye Respublikası Bükkelçisi Gürol SÖKMENSÜER reçeptiya verdi. Reçeptiyada pay aldı Moldova Prezidenti İgor DODON da.

Reçeptiya başladı Türkiye hem Moldova Gimnalarından. Nedän sora Moldova Türkiye Bükkelçisi Gürol SÖKMENSÜER, selemneyip reçeptiyeyä gelän hepsi musaafirleri, kısa bir yortulu söz tuttu. Canabisi annattı Türkiyenin 96 yılda genişlemesini, Siriyada Efrat deresinin dou taraflarında yapılan “Barış Pınarı” asker operatıyasını, Türkiye-Moldova arasında dostluk, politika hem ekonomika ilişkilerini. Sonunda o okudu reçeptiyada bulunan insannarın önündä Türkiye Respublikası Prezidentının Recep Tayyip ERDOĞANın Türkiye Respublikasının 96-cı yılın kurulmasınan ilgili kutlama mesajını.

Sora söz verildi Moldova Prezidenti İgor DODONa, angısı kutladı hepsini Türkiye Respublikasının kuruluş gününän, söledi Moldova-Türkiye arasında politika hem ekonomika ilişkileri için, urgulayıp o büyük dostluu, ani var iki devletin arasında. Canabisi söledi, ani en zor zamannarda, ölä nicä devlet devrimi denemesi hem asker operatıyaları, Moldova tuttu Türkiyenin tarafanı. *2-ci sayfa*

Güreşçi Pötr YANULOV Grand-pri ödülünü kazandı

Canavar ayın (oktabri) 10-13 günnerindä Rusiyada geçän “Trener Dimitriy KORKİN anmasına XII-ci serbest güreş turnırı”nda Moldovadan gagauz güreşçisi kıpçaklı Pötr YANULOV 86 kg kategoriyasında Grand-pri ödülünü kazandı.

Moldova güreş Federatıyası bildirdi, ani “SSRB (Sovet Soțialist Respublikalar Birlii) kıymetli treneri” Trener Dimitriy KORKİN anmasına serbest güreş turnırında güreşçimiz Pötr YANULOV, biri-biri ardı enseyip güreşçileri Azerbaycandan, Latviyadan hem Polşadan, turnırın 86 kg kategoriyasında Grand-pri ödülünü kazandı.

Premyer-ministru Maya SANDU'nun Komrata viziti

Canavar ayın (oktäbri) 11-dä Komratda bulundu Moldovanın Premyer-ministrusu Maya SANDU. Canabisinin viziti başladı kendisinin, Gagauziya Başkanının hem Gagauziya Halk Topluşu Başkanının en eni tehnologiyalara görä yapılan Komrat çevrä yolun düzülmesinnän tanışmaktan.



Bu yolu Evropa rekonstruktıya hem ilerlemä bankasının hem Evroninvest-bankın verdii kreditlän (59,5 milion evro) Türkiyedän “Onur Construction” kompaniyası yapêr. Yolun uzunnuu yaklaşık 19 kilometra olacak hem da bu yol 2021-ci yılda başırlıyacak.

Vizitin ikinci noktasıydı Komrat Nikolay TRETYAKOV teoretik lişeyi, ani bu günnerdä kurulmasının 55-ci yılını kutladı. Burada Premyer-ministru Maya SANDUyu, Gagauziya Başkanını İrina VLAHı hem Gagauziya Halk Topluşu Başkanı Vladimir

KISSAyı tuz-ekmeklän hem gagauz halk oyunlarının karşıladılar. Lişeyin yıldönümä adanmış yortulu toplantısında da Canabilerinä üürencilär hem üüredicilär bir konfert gösterdiler. Nedän sora tribunadan kutlamak nasatlarının insanlara danıştılar büyük musafirler, angılarının arasında vardı Moldovada Bulgariya Bükkelçisi da.

Eridir urgulamaa, ani Komrat Nikolay TRETYAKOV teoretik lişeyi, 5-ci şkola olarak, 1964-cü yılda açıldı. 1975-ci yıldan taşıyêr Sovetlär Birlii geroyun Nikolay TRETYAKOVun



adını. 2004-cü yılda teoretik lişeyi oldu. Bükünkü gündä lişeydä yaklaşık 700 uşak üürener.

Vizitin üçüncü noktasıydı Komrat Mihay EMİNESKU teoretik lişeyi. Bu lişeydä üürenmek romın dilindä geçer. Burada Moldovanın Premyer-ministrusu tanıştı lişeyin durumunna, üürenmek ortallınnan hem cuvap verdi o soruşlara, ani Canabisinä sordular lişeyin üüredicileri hem üürencileri. Onnarın önündä Mariya SANDU açıkladı, ani birkaç aydan sora, Romıniya pravitelstvosunun Moldovada Soşial

inişiativalar Fondu (FİSM) para yardımınna, Komrat Mihay EMİNESKU teoretik lişeyinä deyni eni üürenmek korpusun düzülmesi başlıyacak.

Vizitin son noktası oldu Gagauziya Başkanının göz-gözä protokol görüşmesi hem Gagauziya öndercilerinin buluşması, neredä pay aldılar Gagauziya İspolkomun azaları, Halk Topluşun hem Moldova Parlamentin deputatları, primarlar, kuvedä yakın olan cümne insannar.

Dimu ERİBAKAN

Foto: vlah.md

Türkiye Respublikasının 96-cı yaşına reşepşiya



Sonu. Çeketmesi 1-ci sayfada.

Moldova Prezidenti bildirdi, ani onun kanadı altında bu yıl Gagauziya kendi 25 yıldönümünü kutlayacak da buyur etti hepsi bu yortuya katılınsınar.

Nedän sora da Bükkelçi Gürol SÖKMENSÜER, Moldova Prezidenti İgor DODON, Gagauziya Başkanı İrina VLAH hem Moldova korunmak ministrusu Pavel VOYKU kılıçlan kestiler maasuz bu yortu için yapılan tortu.

Reşepşiyanın kultura programasında insannarı şennendirdiler telli instrumentlär Gençlär ansamblisi hem Moldovanın anılmış artistleri.

Erindeki seçimlerin 2-ci turu – Kasımın 3-dä!

Moldova Parlamentın hem Gagauziya Halk Topluşu kararlarına görä Canavar ayın (oktäbri) 20-dä Moldovada hem Gagauziyada erindeki kuvet organnarında seçimnär oldu.

Seçimnerdä primarları hem erindeki sovetnikleri ayırdılar.

O küülerdä, neredä birinci turdan primarlar ayrılmadı seçimlerin 2-ci turu Kasımın 3-dä olacak.

Gagauzlara taa bir kara yımırta yımırtlandı. Bu kerä ESPAda Moldova delegaşıyasından

Evropa Sovetin Parlament Asambleyasının (ESPA) sondaki toplantısında incelendi “Moldova Respublikasında demokratiya institutların işlemesi” adlı bir doklad.

ESPAda Türkiye delegaşıyası teklif etti bu dokladlan ilgili karar dokumentinä koymaa bir teklif, ani Moldova Respublikasının kuvetleri hemen incelesin “Gagauz pake-ti” zakon inişiativalarını, angıları taa 2017-ci yılda Moldova Parlamentin kabledilmesine teklif edildi. Bu “pake-ti” hazırladı Moldova hem Gagauziya arasında kurulan parlament komisiyası.

Ama ESPAda Moldova delega-

şıyası, nicä taa ileri da (bak: “*Komisiya angı yımırtayı yımırtlayacak: bi-yazı mı, karayı mı?*”, “*Ana Sözü*”, No. 7-8 (602-603), s. 2, 30.04.2014 y.) hem “*Parlament komisiyası (çalışmak grupası) kara yımırtayı yımırtladı*”, “*Ana Sözü*”, No. 13-14 (608-609), s. 3, 30.07.2014 y.) hem da “*Komisiya gagauzlari taa bir kerä erinä koydu*”, “*Ana Sözü*”, No. 11-12 (678-679), s. 2, 29.06.2017 y.), gagauzlari taa bir kerä gülmäa alıp, bir kara yımırta yımırtlandı da “Gagauz diişirmesi”nä blokada koydu. “Gagauz diişirmesi”nä karşı oy verdiler Moldova delegaşıyasından Andrian KANDU (MDP), Doyna



GERMAN (PAS) hem İnga GRİGORİU (DA platforması).

Not. Redakşiyamızın adından şükür ederiz ESPAda Türkiye delegaşıyasına, ani teklif etti bu diişirmeyi hem ani oy birliinnän bunun için oy verdi.

Gagauziyadan şarapçılar ödül kabletilär

Canavar ayın (oktäbri) 5-6 günnerindä Kişinevda geçti Moldovanın 18-ci Milli şarap Günü, neredä en islää şarapçılara ödüllär verildi. Ödül kabledenlerin arasında vardılar Gagauziyadan şarapçılar hem şarap firmaları da.

Şarap Günü “En islää kırmızı ev şarabı” ödülünü kabletti Pötr ARNAUT Çok-Meydan küüyü. “Gibrid soy-larından şarap” ödülünü kabletti Vasilii NÄGOV Baş küüyü (Kırsovo).

Şarap firmaları arasında sa Gagauziyadan “Komrat-Vin” fabrikası “Moldova şarabı. Diri legenda” medalisini kabletti. “Kazayak-Vin” fabrikası da Moldovanın en islää şarap fabrikaları arasına alındı.

“Aačlık kurbannarını Anmak Günü”ndä Avdarmada Çasovnä açtılar

Bu yıl, Canavar ayın (oktäbri) 19-da Gagauziyada “Aačlık kurbannarını Anmak Günü”n seftä ofițial bakmasında, Avdarmada açtılar bir Çasovnä bu küüdä 1941-1945 yıllarında tiftan ölä 575 kişiye hem 1946-1947 yılında aaçlıktan ölä 583 kişiye anmaa deyni. Çasovnä düzüldü Avdarma küüyün meñenatların parasınan.

Bu önemni gündä kabaatsız ölenleri anmaa deyni, küüy popazın Ay-Boba Konstantının teklifinä görä, Avdarmanın mezarlına beşüzdän zeedä insan geldi.

Çasovnänin ayozlanmasını hem rametli olannarı anmak slujbasını yaptılar arhimandrit Andrey (“Marfa hem Mariya” manastırın bakımcısı), Kiriye küüyün popazı Ay-Boba Nikolay hem Ay-Boba Konstantının.

Çasovnänin açılmasında söz tutular küüyün insannarı. Götüdü sırayı Avdarma küüyündän Gagauziya Halk Topluşun deputatı Elena KARAMİT.

Çasovnänin merkez taşında yazılı:

“Bu çasovnä ayozlandı Panaiyanın “Mayıllık” ikonasının hatırına



hem kuruldu büyük zeetler içinde ölä avdarmalıların anmasına:

– 1941-1945 yıllarında tiftan ölä 575 kişiye;

– 1946-1947 yılında aaçlıktan ölä 583 kişiye.

(Onnar çoyu bu erdä topluca gömülü).

Hepsinin adları “ACI KÖŞESİ” memorial kompleksında granit taşlarında oymaylan yazılı.

ALLAA HEPSİNİ RAAMET



ETSİN... 19.10.2019”

Slujba hem Çasovnänin açılmak sırası bittiyän hepsi insannara bir poema masası kuruldu.

Fotolar: avdarma1563.md

Canavar ayın (oktäbri) 19-zu “Aačlık kurbannarını Anmak Günü” oldu

Canavar ayın (oktäbri) 15-dä Gagauziya Halk Topluşu (GHT) XXX-cu toplantısında, inceleyerek GHT deputatların Elena KARAMİT in hem Ekaterina JEKOVA nın zakon teklifini “Gagauziyada 1946-1947 yıllarda aaçlık kurbannarını Anmak Günü” Canavar ayın (oktäbri) 19-da olsun deyni, Karar aldı Gagauziyada bu gündä “Aačlık kurbannarını Anmak Günü” ofițial olarak bakılsın.

İlkin, soruşlan ilgili olarak, doklad tuttular deputat Elena KARAMİT hem GHT reglament komisiyası başı yardımcı Mihail JELEZOGLU. Onnara kendi açıklamalarını eklediler deputat Ekaterina JEKOVA hem bilim adamı Dr. Konstantin TAŞANCI.

Canabileri taa laflarını bitirmedään, sansın öncä hazırlanan ştenariya görä, Soñalistler partiyasının deputatları Pötr ÇAVDAR (Svetloe), Grigoriy DÜLGER (Beşalma), Pötr FAZLI (Valkaneş), Grigoriy UZUN (Valkaneş) hem onnardan yanı olan, maamilä surat “baamsız” deputat İlya UZUN (Rus Köselisi) durmamayca baarıp, azarlayıp hem hepsinin aazlarını kapadı, savaştılar, ani bu Karar kabledilmesin. Onnar, “Rusiyayı koruyarak” hem bu proektta saklı pirä aarayarak, hep baarardılar, ani bu proekt “Rusiyaya saklı urmak”mış.

Pek istedim bu eriflerä cuvap vermää hem bunun için GHT Başı Vladimir KISSAya birkaç kerä söz için danıştım, ama Canabisi, neçin sa korktu bana o sözü vermää.

Cuvabım sa bu olaceydı: açan anılmış bilim adamımız Stepan KUROGLU Sovet vakidında çıkardıydı gagauzlar için bir etnografiya kiyadı, başka bir gagauz “bilim adamı”, ani üüredärdi “Nauçnyy komunizma”yı, yazmıştı “Üüşek erlerä”, ani “S. Kuroglu kendi kiyadında faşizma kruçalarına propaganda yapêr”. Bu “bilim adamı” bulmuştu 100 yıllık gagauz karı fistanların eteklerinde dikili kruçalar, ani benzärmişler nemtelerin eraplannarında hem tanklarında resimni kruçalara.

Seslärkana proekta karşı gidenneri hep benzedärdim onnarı o “bilim adamına”.

Doorusunu läüzüm sölemää, ani GHT deputatlarının arasında vardı Nikolay İVANÇUK (Çadır), Georgiy LEYÇU (Çadır), Dimitriy MANASTIRLI (Kıpçak), Grigoriy KADIN (Çadır), Vldimir KISSA (Komrat), Nikolay RAYA (Dizginca), Aleksandr TARNAVSKIY (Komrat) gibi pek akıllı hem delikat deputatlar, ani can sıcaklınnan, incä hem akıllı danıştılar bu soruşun incelemesinä, gösterip, ani onnar halizdän gagauz halkın, ama diil partiyaların, deputatları.

Halk Topluşun bu toplantısında vardı Gagauziya Başkanı İrina VLAH ta. Açan soruş incelenmää başlandı, Canabisi kendi işleri için zaldan çıktı da salt soruşun oylamasına döndü, ama, Gagauziyada “Aačlık kurbannarını Anmak Günü”nü kurmak yada kurmamak için hiç yarım da laf sölämeyip, sansın o aaçlık kurbannarı hiç yokmuş gibi, hep sustu.

Nicä da olsa, son sonunda, GHT deputatları, adları görünmesin deyni, saklı oylan (korkuya bakın!!!) zar zor kabletilär Kararı, ani Gagauziyada Canavar ayın (oktäbri) 19-zu “Aačlık kurbannarını Anmak Günü” olsun, içinä ekleyip onu da, ani bu Gündä anılsın aaçlıklardan ölä hepsi gagauz insannarı. Ko anılsınar hem analım da!

Sanêrım, ani bu anmaklan Aačlık Kurbannarın cannarı artık raatlanacak! Topracıkları ilin olsun!



Unutmayın, 1946 yılın güzü – 1947 yılın kışı hem ilkyazı yapılan aaçlıkta gagauzların yaklaşık 60 bin insanı aaçlıktan öldülär da kardaş mezarlara gömüldülär. Küülerin hem kasabaların 40-60% (küüdän-küüyä sayı diişer) insanını zorlan mezarlara sokturdular. 70 yıldan sora da Balboka, Beşalma, Tomay gibi küülerimiz 1946-cı yılın insan sayısına etişämedi.

Akademik hem poet Todur ZANET, Gagauz Millî Gimnanın avtoru ***

2017-ci Kırım ayın (dekabri) 9-da, Avdarma küüyün istoriya muzeyin kurucusunun İgnat KAZMALI nın teklifinä görä yapılan “Gagauziyada 1946-1947 yıllarda olan aaçlın 70-ci yıldönümünä “CAN ACISI” aaraş-

tırma konkursun ödüllerini vermää deyni, ödüllenen kişilerdän kaarä, Avdarmaya teklif edildi Gagauziyanın 13 küüyündän hem kasabasıdan 128 yaşlı insan, ani, o AAÇLII geçirip, diri kaldılar da şimdi geçirdiklerini üürencilerä annattılar (bak: “Avdarma küüyündä 1946-1947 yıllarda yapılan Aaçlın kurbannarını andılar”, “Ana Sözü”, No. 23-24 (690-691), s. 1, 4, 5, 22.12.2017 y.)

Ödül vermesindän sora akademik Todur ZANET teklif etti, aaçlık kurbannarını anmaa deyni, Gagauziyada kurmaa bir gün hem o gün olsun Canavar ayın (oktäbri) 19-zu, açan 1946 da Moldaviya SSRın Komunist Partiyasının Merkez Komitetinä hem Ministerliklär Sovetinä etişti aaçlık için ilk ofițial yazı “Komrat rayonun aar durumnan ilgili Açıklama Kiyadı”, angısını 1946 yılın Canavar ayın (oktäbri) 18-dä yazdıydılar Komrat rayonunun RK KP (b) sekretari hem Komrat rayispolkomun predsedateli, hem neredä açıklanardı, ani gagauzların arasında aaçlık başladı.

O sıranın sonunda Avdarmadan GHT deputatı Elena KARAMİT danıştı salonda bulunan hepsi insannara tekliflän kabletmää Karar, ani Canavar ayın (oktäbri) 19-zu, ofițial olarak, kabledilsin Gagauziyada nicä “Gagauziyada aaçlık kurbannarını anmak günü”. Bu teklif için hepsi insannar birebir ellerini kaldırdılar hem yalvardılar, ani GHT deputatları Elena KARAMİT hem Ekaterina JEKOVA bu Kararı Gagauziya Halk Topluşuna yazı olarak versinnär.

Üüredicilär Gününüz kutluca olsun!

Canavar ayın (oktäbri) 5-dä dünnäda Halklararası Üüredicilär Günü bakılmasınan ilgili olarak, Çadır, Komrat hem Valkaneş kasabalarında geçti yortulu sıralar, neredä Gagauziyanın öndercileri kutladılar üüredicileri, terbiyecileri hem bu zanaatların veterannarını. Ayrıca, yortuyılan ilgili Komratta büyük bir sıra oldu, neredä toplandılar bütün Gagauziyadan en becerikli üüredicilär hem terbiyecilär.

Biz da, “Ana Sözü” redaktıyası olarak, kutlêırız paalı üüredicilerimizi hem terbiyecilerimizi bu büyük yortuyılan! Saalık hem uzun ömür Canabinizlerä hem da nekadar çok sabur sizin bu paalı zaametinizdä! Halklararası Üüredicilär Günü yortunuz kutluca olsun!

Gagauziya üüredicilerine hem terbiyecilerine Şan adları, Şan Gramotaları hem ödüllär verildi

Üüredicilik hem terbiyecilik uurunda büyük başarılar için, kişilerin esaplı, intelektual hem kultura ilerletmesindä hem üürencilerin hazırlanmasında çalışmaları için hem da Halklararası Üüredicilär Gününnän ilgili olarak Gagauziyanın en başarılı üüredicilerine hem terbiyecilerine Moldova Prezidentin, Moldova üüredicilik, kultura hem aaraştırma Ministerliin, Gagauziyanın Şan adlarını, Gagauziya Başkanınnan Halk Topluşlun Şan Gramotaları, Gagauziya üüredicilik baş Upravleniyasının Şan Gramotaları hem da Respublikadaki “2019-cu yılın üüredicisi” konkursun ödülleri verildi.

Moldova Prezidentin Şan Gramotalarını kabletilär:

Anna İlyiniçna BUÇKOVA, Kongaz küüyün 4-cü uşak başçasında direktor;
Elena Nikolaevna GAYDARCI, Kazayak küüyün lişeyindä başlangıç klaslarda üürediciyka;

Fedora Nikolaevna KÖSÄ, Baurçu küüyün lişeyindä fizikada üürediciyka;

Elena Födörövnä YANAKOVA, Gagauziyan üüredicilik baş Upravleniyasının zaametçiykası.



Şan adları hem Başkannan Halk Topluşlundan Şan Gramotaları

Canavar ayın (oktäbri) 8-dä Regional resim Galereyasında, eni büyüän evlatboyaların terbiyecilerinde hem üüredilmesindä çok yıllar verimni çalışmaklar için, üüredicilik kuruluşların zaametçilerine stimül vermää deyni, hem da Üüredicilär gününän ilgili olarak Gagauziyanın Şan adlarını hem Başkannan Halk Topluşlun Gramotaları verildi.



“Gagauziyanın Kıymetli üüredicisi” adını kabletilär:

Anna Hristaforovna ALDÄ, Valkaneş kasabası, pedagogikada veteran, istoriyada üürediciyka;

Ekaterina İvanovna GAYDARLI, Kıpçak küüyün S.BARANOVSKIY lişeyindä direktorun üüredicilik-terbiyecilik uurunda yardımcıyka, himiyada üürediciyka;

Lüdmila Leonidovna KÖSÄ, Çadır kasabasında Mihail GUBOGLU lişeyindä başlangıç klaslarda üürediciyka;

Mariya Georgiyevna KURDOGLU, Baurçu küüyün 3-cü uşak başçasında terbiyeciciyka;

Aleksandra Dimitrievna MARİNOVA, Komrat kasabasının Mihail ÇAKİR kolecinde gagauz dilindä hem literaturasında üürediciyka;

Olga İlyiniçna MORDAR, Komrat kasabasının Gavril GAYDARCI lişeyindä istoriyada hem vatandaşlık terbiyecilikte üürediciyka;

Anna Nikolaevna NADUH, Komrat kasabasının Dimitri KARAÇOBAN

lişeyindä angliyka dilindä üürediciyka;

Anna Vasilyevna NEYKOVÇEN, Başküüyü (Kırsovo) 2-ci uşak başçasında direktor;

Dora Panteleevna ONOFREY, Valkaneş kasabasında A.DOLJENKO lişeyindä rus dilindä hem literaturasında, gagauz dilindä hem literaturasında üürediciyka;

Efrosinya İvanovna POPAZOGLU, Valkaneş kasabasında “Luceafărul” lişeyindä başlangıç klaslarda üürediciyka;

Alla Konstantinovna POPTOVA, Komrat Devlet Univeristetin özel haklar Kafedrasının doçenti, filsofiyada doktor;

Sofya Lefterovna RAKOVÇEN, Başküüyü (Kırsovo) Mihail TANASOGLU gimnaziyasında başlangıç klaslarda üürediciyka;

Sofya Aleksandrovna RUSU, Komrat kasabasının Mihay EMİNESKU lişeyindä istoriyada hem cümne predmetlerinde üürediciyka;

Tatyana Evgeniyevna SIRTMAÇ, Çadır kasabasında Valentin MOŞKOV lişeyindä himiyada üürediciyka;

Elena Aleksandrovna STATOVA, Kongazçık küüyün gimnaziyasında di-

rektor, nemfä dilindä üürediciyka;

Galina Nikolaevna STOYANOGLU, Komrat kasabasının Nikolay TRETYAKOV lişeyindä başlangıç klaslarda üürediciyka;

Georgiy İvanoviç STOYANOV, Başgöz küüyün lişeyindä fizikada üüredici.

Gagauziya Başkanın hem Gagauziya Halk Topluşlun Şan Gramotalarını kabletilär:

Fatima Taştukeevna ALDÄ, Valkaneş kasabasının S.RUDENKO gimnaziyasında terbiyecilik uurunda direktor yardımciykası, muzikada üürediciyka;

Anna Konstantinovna BOTOŞAN, Komrat kasabasının Stepan KUROGLU gimnaziyasında direktor;

Evgeniy Dimitrievich BUZACI, Komrat kasabasının zanaat uçilişesinde üüredicilik-zaametçilik uurunda direktor yardımcısı;

Nikolay Georgiyevich DİMİTROGLU, Komrat kasabasının zanaat uçilişesinde zaametçilik uurunda üüredicilikte master;

Elena Födörövnä GETMAN, Valkaneş kasabasının zanaat uçilişesinde master-instruktor;

Nadejda Georgiyevna GUÇ, Kırılannar küüyün (Kotovskoye) uşak başçasında direktor;

Aglaya Andreevna KAZANCI, Kongazçık küüyün gimnaziyasında romın dilindä, resimcilik incäzanaatında hem muzikada üürediciyka;

Elena Vasilyevna KETRARU, Komrat kasabasının Mihail ÇAKİR kolecinde romın dilindä hem literaturasında üürediciyka;

Natalya Evgeniyevna KİVEL,

Çöşmä küüyün lişeyindä gagauz dilindä hem literaturasında üürediciyka;

Pavel Nikolaevich KULÇITSKIY, Çadır kasabasının zanaat uçilişesinde matematikada üüredici;

Ekaterina Petrovna MANDACI, Kıpçak küüyün Boris YANAKOGLU lişeyindä RUS dilindä hem literaturasında üürediciyka;

Praskovya Petrovna PETİŞ, Çöşmä küüyün lişeyindä fizikada üürediciyka;

Anna İordanovna PLATONOVA, Svetloe küüyün lişeyindä rus dilindä hem literaturasında üürediciyka;

Lüdmila Stanislavovna PTAŞNİKOVA, Çadır kasabasının zanaat uçilişesinde istoriyada üürediciyka;

Oksana Mihaylovna SAVASTİN, Valkaneş kasabasının zanaat uçilişesinde master-instruktor;

Natalya İvanovna TODOROVA, Svetloe küüyün agrar-tehnika kolecinde biyologiyada hem geografiyada üürediciyka;

Praskovya Födörövnä TOPAL, Kazayak küüyün 3-cü uşak başçasında terbiyeciciyka;

İvan Konstantinoviç TRANDAFİL, Kıpçak küüyün Boris YANAKOGLU lişeyindä fizikaturada üüredici.

Moldova üüredicilik, kultura hem aaraştırma ministerliin Şan Gramotalarını kablettilär:

Elena ÇELAK, Beşgöz küüyün uşak başçasında gagauz dilindä terbedici-üürediciyka;

İlya ESİR, Komrat kasabasının Regional sport lişeyindä trener-üüredici;

Nadejda KOLTUK, Çok-Meydan küüyün Födör YANİOGLU lişeyin is-

toriyada hem cümne terbediciliindä üürediciyka;

Praskovya MANASTIRLI, Çadır kasabasının Pötr KAZMALI gimnaziasında fizkultura terbediciliindä üürediciyka;

Evdokiya OSTRİOGLU, Baurçu küüyün başlangıç şolasında direktor.



Gagauziya üüredicilik baş Upravleniyasının Şan Gramotalarını kablettilär:



Uşak başçaların terbedici-üüredicileri arasında:

Mariya Antonovna BABOGLU, Kıpçak küüyün 1-ci uşak başçası;

Praskovya Födöröva ÇALIKU, Çadır kasabasının 5-ci uşak başçası;

Svetlana Dimitriyevna GARGALIK, Kongaz küüyün 1-ci uşak başçası;

Zinaida Petrovna KOCEBAŞ, Kıpçak küüyün 3-cü uşak başçası;

Mariya İvanovna KREÇUN, Çadır kasabasının 6-cı uşak başçası;

Tatyana İvanovna NEDÄLKOVA, Komrat kasabasının 5-ci uşak başçası;

Mariya Vasilyevna PADURAR, Valkaneş kasabasının 1-ci uşak başçası;

Domna Nikolaevna ŞTİROY, Çok-Meydan küüyün uşak başçası;

Kirana Stepanovna TAŞÇI, Kazayak küüyün 1-ci uşak başçası;

Ekaterina Vasilyevna TELPİZ, Kongaz küüyün 5-ci uşak başçası;

Pötr Fedoseviç TRANDOFİLOV, Avdarma küüyün uşak başçası;

Alöna İvanovna TRANDAFİR, Valkaneş kasabasının 7-ci uşak başçası;

Nadejda Dimitriyevna VELİK-SAR, Çöşmä küüyün "Dostluk" uşak başçası;

Lübov Zahariyevna VORNİKOVA, Çadır kasabasının 8-ci uşak başçası.

Üüredicilik kuruluşların pedagogların arasında:

Aleksandra Semönovna BIZIKÇI, Aydar küüyün Födör ANGELİ gimnaziasında rus dilidä hem literaturasında üürediciyka;

Olga Anatolyevna DONÇEVA, Kırılannar küüyü (Kotovskoe) gimna-

ziyasında başlangıç klaslarda üürediciyka;

İrina Afanasyevna FEDOTOVA, Başküüyü (Kırsovo) Mihail TUZLOV lişeyindä istoriyada üürediciyka;

Stana Aleksandrovna FEDOTOVA, Kongaz küüyün Varvara TOPAL gimnaziasında himiyada üürediciyka;

Svetlana Anatolyevna GENOVA, Çadır kasabasının 2-ci lişeyindä başlangıç klaslarda üürediciyka;

Mariya Mihaylovna KARASTANOVA, Kiriye küüyün Dionis TANASOGLU lişeyindä rus dilindä üürediciyka;

Matröna Dimitriyevna KÖR, Kongaz küüyün Nikolay ÇEBANOV gimnaziasında başlangıç klaslarda üürediciyka;

Valentina Georgiyevna METLİTKAYA, Çadır kasabasının Mihail GUBOGLU lişeyindä başlangıç klaslarda üürediciyka;

Lüdmila Vasilyevna SKORIÇ, Kazayak küüyü gimnaziasında istoriyada üürediciyka;

Olga Stepanovna TABAKAR, Komrat kasabasının Süleyman DEMİREL gimnaziya/uşak başçasında direktor;

Mariya Vasilyevna TOMAYLI, Beşalma küüyün Mina KÖSÄ lişeyindä gagauz dilindä hem literaturasında üüredici;

Anna Semönovna TOPAL, Kom-

rat kasabasının Dimitri KARAÇOBAN lişeyindä terbedici uurunda direktor yardımcısı;

Mariya Vasilyevna TOPAL, Aydar küüyün Födör ANGELİ gimnaziasında bibliotekacıyka;

Anna İlyiniçna UZUN, Ütülü küüyün Saveliy EKONOMOV gimnaziasında gagauz dilindä hem literaturasında üürediciyka;

Anna İvanovna UZUN, Kongaz küüyün Todur ZANET lişeyindä fizikada üürediciyka;

Oksana Nikolaevna UZUN, Komrat kasabasının Dimitri MAVRODİ lişeyindä romın dilindä hem literaturasında üürediciyka.

RESPUBLİKADAKI “2019-cu YILIN ÜÜREDİCİSİ” KONKURSUN ÖDÜLLERİNİ KABLETTİLÄR:

II-ci er ödülünü – Ştefan BEJAN, Komrat kasabasının Mihay EMİNESKU lişeyindä istoriyada üüredici;

III-cü er ödülünü – Valentina Georgiyevna METLİTKAYA, Çadır kasabasının Mihail GUBOGLU lişeyindä başlangıç klaslarda üürediciyka.

Çadırdä Valentin MOŞKOVa byustu koyuldu

Çadır kasabasının sovetniklerinin Karar görä çadırdäki “Valentin MOŞKOV” teoretik lişeyin ana sokaa çıkan tarafında gagauzları aaraştıran büyük bilim adamına Valentin Aleksandroviç MOŞKOVun byustu koyuldu.



Gagauziyada Aleksandroviç MOŞKOVa pamätnik koymaa deyni çok yıllar sıravardı gagauz aydınadıcıları, bilim hem cümne insannarı ortaya koyardılar. Da te şindi, çadırdan Nikolay TUKANın zaametlerinnän hem cümnenin yardımınan bu iş aslıya çıktı.

Valentin MOŞKOVa byustun ofițial açılışında Canavar ayın 24-dä pay İdılar Gagauziya Başkanı, Pötr MOŞKOV (V. Moşkovun prapraunukası, cümne insannar.

Not. Valentin Aleksandroviç MOŞKOV (26.03 (eniycä 06.04) 1852 – 19.11.1922) – dünnäa uurunda büyük rus bilim adamı, etnograf, folklorcu, İmperatorluk Rus geografiya cümnesinin aza-na-saatçısı, Kazan universitetin arhiologiya, istoriya hem etnografiya cümnesinin kordinatoru. General-leytenant. Gagauzların istoriyasının hem kultasını aaraştıran bilimcilerin ilk sıralarında bulunêr.

“Altın Alma. Golden Apple – 2019” baş ödülünü Anna DRAGU aldı



Canavar ayın (oktäbr) 5-dä Kişinevda geçti “Altın Alma. Golden Apple – 2019” Halklararası türkücülär konkursu.

Gagauziyadana körpä türkücüyka Anna DRAGU, çalıp gagauz dilindä bir türkü, bu konkursun baş ödülünü aldı.

Anna DRAGU çeşitli konksurlarda Gagauziyayı temsil etti hem herkerä onnarda laureat oldu.

Gagauziya Başkanını caltaylılar küyündän buyur ettilär

Canavar ayın (oktäbri) 6-da Gagauziya Başkanını İrina VLAHı caltaylılar, büyük skandallan, kendi küyündän buyur ettilär. Bu oldu, açan Gagauziya Başkanı geldi Caltay küüyünä mitingta soñalistlär partiyasının primarläa kandidatu için agitañiya yapmaa (neyä zakon izin vermeer), bildirer gagauzyeri.md saytı (bak: <http://gagauzyeri.md/politika/5871-irinu-vlah-prognali-s-gagauzskogo-sela.html>).

Açan Başkan istedi başlamaa agitañiyayı insannar baarak «Мы, госпожа Башкан, сами разберёмся кто у нас в селе может быть Примаром, вы лучше свои предвыборные обещания выполняйте. Видим только концерты и танцы», «Где обещанные вами зарплаты в 10 тыс. леев, 40 тыс. лей за возвращение на Родину. Мой муж приехал, пошёл в Исполком, а его прогнали», «Не нужно нам тыкать пальцем, что все, что делается в Джолтае, – это ваша заслуга, все делается на народные деньги», «Вам не стыдно, госпожа Влах, приезжать и



учить нас, как нам голосовать. Мы сами разберёмся, кто из кандидатов заслуживает уважение односельчан. Или хотите в Джолтае применить практику Исполкома, брать на работу жителей Кишинева?», buyur ettilär İrina VLAH gitsin küüdän da kendi seçimdä adamalarını aslıya çıkarsın: düzsün Çadır kasabasında aêroportu, Valkaneş kasabasında elektrostañiya yapsın, fabrikaları hem zavodları açsın.

Bölä baarmaklardan sora Gagauziya Başkanı, şaş-beş kalıp, pindi maşinasına da yok oldu Caltay küüyündän.

Gagauzyeri.md saytı urgılêêr, ani Gagauziya Başkanı diil seftä geler küülerä da, administativ resurslarını kullanarak, soñalistlär partiyasının kandidatları için agitañiya yapêr hem seçim uurunda devlet işçilerine baskıylan aarlaşêr.

Not. “Ana Sözü” redakñiyası lafetti o mitingta pay alan insannarlan da üürendi, ani insannarın tekliflerinä Gagauziya Başkanı büyük azarlamaklar davranmış.

Anmak Gününä saldırannar Tombarlak masaya gelmedilär

“Gagauziyada 1946-1947 yıllarda açlık kurbannarını Anmak Günü” kurulması için konuyu incelemää deyni Gagauziya Halk Topluşun (GHT) toplantı salonunda Canavar ayın (oktäbri) 1-dä oldu bir Tombarlak masa oturuşu. Tombarlak masada pay aldılar cümne hem politika insannarınnan üüredicilär hem bilim adamnarı.

Toplantının başında “Gagauziyada 1946-1947 yıllarda açlık kurbannarını Anmak Günü” kurulması için iniñiativanın zakon uurunda avtorları GHT deputatları Elena KARAMİT hem Ekaterina JEKOVA annattılar neçin lääzım bu Gün kurulsun, ne gagauzlara deyni 1946-1947 yıllarda açlık hem neçin bu Anmak Günü lääzım her yılın bakılsın Canavar ayın (oktäbri) 19-da.

Sora, Tombarlak masada pay alannar Dr. Konstantin TAŞANCI, KDU rektoru hem GHT deputatı Dr. Sergey ZAHARİYA, Dr. Pötr PAŞALI, istorik Konstantin KURDOGLU, “Piligrim Demo” Cümne Birliin başı Mihail SİRKEİ, Modova gagauzların cümne kuruluşun başı Nikolay TERZİ hem başkaları, biri-biri ardı nasaat edip, urguladılar, ani bu Anmak Günü lääzım olsun.



Ayrıca Mihail SİRKEİ doorudan danıştı Gagauziya Başkanına, ani almış bitki seçimnerdä 92% oy: «И, конечно, хотелось бы услышать позицию вла-

стей. Если человек набрал 92 %..., то это не даёт только определенные привилегии, это накладывает и определенные обязанности. Обязанности

и обязательства быть ответственным перед историей, быть ответственным перед теми, кто живет сегодня, и быть ответственным перед теми, кто ещё не родился среди гагаузов, выражать свою позицию по очень важным и принципиальным вопросам. А голод 1946-1947 гг., с моей точки зрения, это принципиальный вопрос. И уходить от ответа, спрятав голову в песок, я думаю, это не позиция. Тем более для человека, который набрал 92 %...».

Bu Tombarlak masada “Gagauziyada 1946-1947 yıllarda açlık kurbannarını Anmak Günü” kurulması için iniñiativaya karşı olannarın sesi işidilmedi, zerä onnar bu masaya gelmedilär da saldırmadılar ona karşı, nicä yaptılar Ceviz ayın (sentäbri) 13-dä Gagauziya Halk Topluşun (GHT) toplantı salonunda olan bu zakon iniñiativasının cümne incelemesinde (bak “Ana Sözü”n geñteki nomerini).

Aaçlık kurbannarı Ankarada da anıldı

Canavar ayın (oktäbri) 19-da, açan Gagauziya anılêr Aaçlık kurbannarını, Türkiyenin baş kasabasında Ankarada “Gagauzlar” dernäa, aaçlıkta ölenleri anmaa deyni, bir toplantı yaptı.



Anmak programası “Gagauzlar” dernäa başı İrina ÜSÜMBEYLİNİN sözündän başladı. O açıkladı, ani artık bu yaşlı gün Gagauziyada ofiñal uurda bakılacak. Canavar ayın (oktäbri)

15-dä bölä bir karar kabletti Gagauziya Halk Topluşu deputatları.

Sora hepsimiz dua ettik aaçlık yıllarında ölan analarımız hem bobalarımız, kardaşlarımız hem kızkardaşlarımız

için hem hepsi geçinmiş senselelerimiz için. Dernek azalarımız litiya için maaşuz koliva hazırladı. Litiyayı yaptı dernek azamız popaz Viktor KOPUŞÇU.

Kısa bilgi paylaşımından sora aaçlık için iki video gösterildi.

Toplantıya katılan anılmış yazıcı, jurnalist hem araştırmacı Todur ZANET yaşlı insannardan aldı intervyular için

bilgi verdi, onnardan işittiklerini annattı hem kendisinin yazdı “Rekviem” poemasından bir parça okudu.

Allah versin da bölä kara sayfalar başka yaşanmasın. İnsan canı hiç bir ideyaya hem ideologiyaya başka kurban getirilmesin.

İrina ÜSÜMBEYLİ,
Ankara “Gagauzlar” dernäa başı



Türkiye Dışışleri Ministrusu Mevlüt ÇAVUŞOĞLUnun Türkiye'nin Suriyada “Barış Pınarı” asker operatıyası için

Canavar ayın (oktâbri) 9-dan beri Türkiye Respublikası Siriyanın Efrat deresinin dou taraflarında “Barış Pınarı” asker operatıyası başlattı. Bu operatıyanın sebebi: Türkiye sınırlarında terorizma kuşkuunu yok etmää hem barış zonasını kurmaa. Beklener, ani o zonaya milyonlaran siriyalı kaçkinnar dönecek. Türkiye Respublikası urgulêê, ani Siriyanın bütünnüü-nü hem birliini tanıyarak, bu operatıya yapılê Birleşik Milletlêr Topluluun

(BMT) Ustavının 51-ci statyasına görâ, angısı deletlerâ hak verer kendlerini korumaa deyni.

Neçin Türkiye teroristlêrlân cengi Suriyaya geçirdi hem bu iş nedân yapıldı annamaa deyni, okuycularımıza teklif ederiz okumaa Türkiye'nin Dışışleri Ministrusu Mevlüt ÇAVUŞOĞLUnun statyasında “Neden Türkiye mücadeleyi Suriye’ye taşıdı?”, angısını biz aşıada Türkiye türkçesindâ vereriz.

“Neden Türkiye mücadeleyi Suriye’ye taşıdı?”

ANKARA, Türkiye – Türkiye’nin kuzeydoğu Suriye’deki askeri harekâtının, Amerikan basınında, Kürtlere yönelik bir saldırı, DEAŞ’ın (ya da sözde İslam Devleti) kalıntılarıyla mücadeleyi zayıflatıcı ve Amerika’nın müttefikleri nezdindeki güvenilirliğine zarar verici olarak yorumlanması üzüntü verici. Yanlış anlamaları ortadan kaldırmak durumundayım çünkü Türkiye’nin ABD ile 67 yıllık NATO müttefikliği, geçici, taktiksel ya da tartışmaya açık değildir.

Türkiye, teroristlerin sınır bölgelerinde oluşturduğu tehlikeyi ortadan kaldırarak ulusal güvenliğini sağlamak amacıyla harekâtı başlatmıştır. Bu harekât, orada yaşayan Suriyelileri teror örgütlerinin tiranlığından kurtaracak ve Suriye’nin toprak bütünlüğü ile siyasi birliğine yönelik tehdidi ortadan kaldıracaktır. Bu iki gelişme, yerlerinden edilmiş Suriyelilerin güvenli ve gönüllü geri dönüşünü kolaylaştıracaktır.

Türkiye, sınırlarında bir teror örgütünün kontrolü altında bir koridoru hiçbir zaman kabul etmedi. Birleşmiş Milletler Genel Kurulu da dâhil olmak üzere, defalarca güvenli bölge tesisini önerdik. ABD’ye teroristlere maddi destek sağlamayı bırakma çağrısında bulunduk.

Ancak ABD’nin güvenlik bürokrasisi, kısaca PYD/YPG olarak bilinen grupla bağlantısını kesmeyi başaramadı. Üstelik, bir Savunma Bakanı da dahil, ABD’li yetkililer, Suriye Demokratik Güçleri’nin çekirdeğini oluşturan PYD/YPG’nin, Amerika Birleşik Devletleri, Avrupa Birliği ve NATO tarafından teror örgütü olarak tanınmış Türkiye’deki PKK’dan ayrılmaz niteliğini kabul etmişlerken.

Amerikalı muhataplarımız bu güçlerin sınırlarımıza mücavir bölgelerin dışına çıkarılması gerektiğine ikna olmuş göründüler ve hatta bunun takvimi üzerinde mutabık kaldık. Yakın zamanda, Ağustos ayındaki askeri görüşmeler, PYD/YPG’nin çıkarılacağı güvenli

bir bölge tesisinde karşılıklı taahhütle sonuçlandı. Ancak, Amerika Birleşik Devletleri, bunu nihayete erdiremedi ve bizde, teror grubunun Suriye’deki konumunu daha da sağlamlaştırması için zaman kazanmaya çalıştığı yönünde güçlü bir izlenim doğurdu.

PYD/YPG kendisini dünyaya DEAŞ’la savaşan grup olarak tanıtmaya yeltenebilir, ancak aynı zamanda Türk topraklarına tüneller kazmak suretiyle PKK’ya patlayıcı tedarik ettiği de bir gerçektir. Mensupları, hapisten çıkarılan DEAŞ mahkûmlarını Türkiye’ye yönlendirmiştir. Kasım 2017’de BBC, Rakka kentini kurtarmak için düzenlenen koalisyon harekâtı sırasında Suriye Demokratik Güçleri’nin yüzlerce DEAŞ teroristinin kaçmasını sağlayan bir gizli anlaşma yaptığını haberleştirmiştir.

Harekete geçmek durumundaydık. Bazıları Suriye’deki Kürt nüfusunun güvenliği konusunda endişe dile getirdi. Türkiye’nin mücadelesinin Kürtlere karşı olmadığını tekrar etmek ve vurgulamak istiyorum. Bizim mücadelemiz teroristlere karşı. Durumun “Kürtlere karşı Türkler” olarak sunulması kötü niyetli ve yanlıştır. Kürtler bizim düşmanımız değildir.

Hedefimiz, PKK ve PYD/YPG’nin birlikte yürüttükleri, kontrolü altındaki bölgelerde çocuk askerleri silah altına alan, muhalifleri sindiren, demografik yapıyı değiştiren ve zorunlu askerliği mecbur kılan teror yapılanmasıdır.

PYD/YPG boyunduruğu altında acı çeken Kürtler, Araplar, Hristiyanlar ve diğerleri, özgürlüklerine kavuştuklarında daha iyi durumda olacaklardır. Dünya Arami Hristiyanlar Konseyi, ısrarla bu nokta üzerinde durmaktadır.

Bu harekate başlamadan önce, sivillere yönelik riski en aza indirmek ve insani bir krizi önlemek için tüm adımları attık. Geçtiğimiz birkaç yıl boyunca Türkiye; Araplar, Kürtler ve Türkmenler dahil olmak üzere, kuzeydoğu Suriye’den çok sayıda mülteciye barınma sağlamıştır.

300 binden fazlası Kürtlerden oluşan bu mültecilerin çoğu teroristler tarafından evlerinden sürülmüşlerdir. Biz, Türkiye’de, bu insanlara güvenlik, barınma ve geçim kaynağı sunduk. Ekmeğimizi paylaştık ve kamu hizmetlerimizden yararlanmalarını sağladık. Türkiye, dünyada insani yardım konusunda en cömert ve dünya çapında en çok mülteciye evsahipliği yapan ülkedir.

Türkiye, son üç yılda, güvenilir bir model oluşturmuştur. Türkiye’nin 2016-7’de Cerablus ve civarında ve 2018’de Afrin’de olmak üzere Suriye’nin kuzeybatısında yürüttüğü operasyonlar geniş bir bölgeyi teroristlerden temizlemiştir. Bu operasyonlardan sonra, teroristler yüzünden mağdur olan topluluklar barış içinde yaşamaya ve düzenli bir yönetimden faydalanmaya başlamışlardır. 365 bin mülteci, kuzeybatı Suriye’deki evlerine dönmüşlerdir.

Sağladığımız kamu hizmetlerine, 230 binden fazla öğrenci için tesis edilen okullar da dâhildir. Kuzeybatı Suriye’de özgürlüğüne kavuşturulmuş bölgelerde 55 adet ambulansa sahip 6 hastane, 2 binin üzerinde Suriyeli ve Türk personel istihdam etmektedir. Bir adet futbol sahası dahil olmak üzere çok sayıda sosyal tesis ve spor tesisleri inşa edilmiştir. İşyerleri ıslah edilmiş ve ticareti kolaylaştırmak için bir sınır kapısı açılmıştır. Maddi destek sağlanması suretiyle tarım ve hayvancılık başlamıştır.

Türkiye’nin daha önceki operasyonlarını koalisyonun Rakka’da yaptığı yıkımla kıyaslayın; o zaman terorle mücadele operasyonlarını ne kadar dikkatle yönettiğimizi göreceksiniz. Bu operasyonlardan çıkarılan dersler, bu kez daha da iyi işler çıkarmamıza yardım edeceklerdir.

PKK ve PYD/YPG, onlar olmazsa DEAŞ’la mücadelenin güç kaybedeceğini ileri sürerek küresel topluma şantaj yapmaktadır. Ancak, bu vahşi teroristlere karşı mücadele, bilhassa müttefiklerimiz sonuna kadar dayandıkları

ve Türkiye ile işbirliğini sürdürdükleri takdirde güç kaybetmeyecektir. Biz, DEAŞ’a karşı bizzat savaş alanına çıkan tek milletiz.

DEAŞ ve diğer teror örgütleriyle mücadele, herkesin katkıları ve işbirliği ile devam edecektir. Bazı Avrupa ülkeleri, bu örgüte katılmış olan vatandaşlarının geri iadesine izin verme konusunda biraz gönülsüz davranmışlardır. Ne var ki, sorunun çözülmesini dilemek bir politika olamaz. Onlar da kendi paylarına düşen yükü omuzlamak zorundadırlar.

Biz Türkiye olarak, Suriyeli mültecilerin evlerine dönmeleri ve DEAŞ ve diğer teror gruplarının yeniden ortaya çıkamayacakları bir ortam sağlamak için zemin hazırladığımıza inanıyoruz.

Suriyeli mültecilerin güvenli ve gönüllü bir şekilde eve dönmelerinin dikkatlice planlanıp yönetilmesi gerektiğinin bilincindeyim. Bu süreç, uluslararası hukuka uygun ve ilgili Birleşmiş Milletler ajansları ile işbirliği içerisinde ilerlemelidir. Suriye birçok etnik yapıyı barındırmaktadır ve Suriye krizi siyasi bir çözüme kavuşana kadar uygulanabilir ve temsiliyete dayalı yerel meclislerin kurulması gerekmektedir.

Son terorle mücadele operasyonumuzun ardından, Kürtlerin çoğunlukta bulunduğu bölgelerde Türkiye, nüfusu yansıtmaması amacıyla Kürtlerin çoğunlukta olduğu yerel yönetim meclisleri oluşturulmasını hızlandırmıştır.

Suriyeliler artık evlerine gitmek istiyorlar. Gereğinden fazla acı çektiler. Milyonlarca mültecinin eve dönüşü için gerekli olan barışçıl koşulların oluşturulmasına yardım etmek üzere inisiyatif alıyoruz.

Hüküm süren yanlış algıların aksine, operasyonumuz sorunun insani boyutuna eğilmeye, ülkenin bütünlüğünün korunmasına ve siyasi sürece katkıda bulunmaya yardımcı olacaktır.

Mevlüt ÇAVUŞOĞLU,

Türkiye Cumhuriyeti Dışışleri Bakanı

Dünnää İyelecek malları Günü bakılması TİKAnın katılmasınnan başladı

Canavar ayın (oktâbri) 16-da bakılê Dünnää İyelecek malları Günü. Bu Günüün bakılmasını Türkiye'nin Elazığ kasabasında yapılan “Bulaşıcı olmayan hastalıkların önlenmesi hem kontrolü, industriya trans-yaalın yokedilmesi, sürdürülebilir kalkınma için İyelecek malları güvennii hem risk yönetimi» Simpoziumunna başladı.

Simpoziumda Birleşik Milletlêr Topluluun, Türkiye Parlamentının, Türkiye Ministerliklerin hem başka kuruluşların temsilcileri pay aldılar.

Türk İşbirlii hem Koordinatıya Agenstvusu Başkannın (TİKA)

Balkannar hem Dou Evrupa Daire (BADA) Başkanı Dr. Mahmut ÇEVİK insannara saallıklı beslemâ, kaliteli hem güvenni iyelecek malları hem da bunnarın yapılmasında TİKAnın rolünü annattı. Bunun çerçevesindâ Dr.

Mahmut ÇEVİK Türkiye'nin en aaz gelişmiş Afrika devletlerindâ hem Balkannarda başta olmak üzere hazırlanan hem uygulanan “İyelecek malları hem yaşamak güvennii” Programlarını annattı.



Dr. Mahmut ÇEVİK “EKMEK vereräk buünü, ÇALIŞMAK vereräk gelecää kurtarabilirsiniz” deyeräk, büyük ilgiylân izlenân TİKA proektlarının aachlık hem yoksukluk üzerinä pozitif etkilerini annattı.

Türkiye deputatları Moldovada hem Gagauziyada

Karadeniz ekonomika işbirlii Kurulun (KEİPA) Kultura, Üredecilik hem Soñial işleri Komisiyasının 53-cü toplantısına katılmasınan, Canavar ayın (oktabri) 20-23 günnerindä Moldovada bulundular Türkiye Büyük Millet Meclisi (Türkiye Parlamenti) deputatları Cemal ÖZTÜRK, Metin GÜNDOĞDU hem Uğur BAYRAKTUTAN. Deleğatıyada vardı Türkiye Parlamenti zaametçisi Ersin AYDIN da.



Komisiyasının 53-cü toplantısına başkannık etti Moldova Parlamenti spikeri Zinaida GREÇANAYA. Toplantıda

pay aldı Moldova Türkiye Büyükelçisi Gürol SÖKMENSÜER da. Vizit zamanında Komisiya toplan-

tısında iş çalışmalardan kaarä Türkiye Parlamenti deputatları bulundular Moldova Türkiye Büyükelçiliindä hem Kişinev TİKA ofisindä, neredä buluştular Moldova Türkiye Büyükelçisi Gürol SÖKMENSÜERlän hem TİKA Kişinev programaların Koordinatorı Selda ÖZDENOĞLUyan.

Türkiyedän deputatlar, Moldovada Türkiye Büyükelçiliin zaametçisinnän Esra ŞENNän bilä, yaptılar bir vizit Gagauziyaya da, neredä buluştular Gagauziya Başkanınan hem Gagauziyadan Moldova Parlamenti deputatlarınan.



Ayrı bir buluşma oldu Gagauziya Halk Topluşu Başkanınan hem GHT deputatlarınan.

Gagauziyada Türkiyedän deleğatıya azaları tanıştılar Komrat "Hoca Nastadin" modern yatılı uşak başçasınan, "Aziz SANCAR" alıştırma hem diagnostika korpusunnän hem Kongaz Süleyman DEMİREL lişeyinnän.

Baş redaktorumuz T.C. Büyükelçisi Gürol SÖKMENSÜERlän görüştü



Canavar ayın (oktabri) 17-dä "Ana Sözü" gazetanın baş redaktoru Akademik Todur ZANET Türkiye Kişinev Büyükelçiliindä Büyükelçi Gürol SÖKMENSÜERlän görüştü.

Görüşmedä Büyükelçi Gürol SÖKMENSÜER baş redaktorumuza Türkiyenin "Barış Pınarı" asker operatıyasınan ilgili bilgileri verdi.

Bundan kaarä Türkiye Büyükelçisi Todur ZANETlän gazeta hem literatura uurunda çalışmaları hakkında fikir alışverişindä bulundu.

BAK-2019: bakalavra ekzamenini 100% verän lişelerin arasında Gagauziyadan iki lişey var

2019-cu yılda Moldovada bakalavra ekzamenini 100% verän 43 lişey oldu. Onnarın arasında Gagauziyadan iki lişey var.

Gagauziyanın lişeylerindän 2019-cu yılında bakalavrayı en islää verdilər Kongaz Süleyman DEMİREL teoretik lişeyi (7,17 ortalama ballan, Moldovada 27-ci er) hem Komrat Mihai EMİNECU teoretik lişeyi (6,43 ortalama ballan Moldovada 43-ci er).

Baurçu küüyü hem II-ci dünnää cengi için eni kiyat

Canavar ayın (oktabri) 3-dä Gagauziya Regional bibliotekasında oldu prezentaşıya Konstantin KURDOĞLUnun kiyadına «Никто не забыт, ничто не забыто», ani baaşlanmış Moldovanın nemtä-faşist okupaşıyasından kurturulmanın 75-ci yılına.

Bu kiyadın avtoru hazırladı başka kiyatları da, neredä annadılär Gagauziyada repesiyalar hem deportaşıyalar, 1946-1947 yılda açlık. 2012-ci yılda o çıkarıdı «История с. Баурчи» kiyadını.

«Никто не забыт, ничто не забыто»

dokumental bir kiyat baurçulular için, ani katıldılar II-ci dünnää cenginä hem rus askerleri için, ani öldülär Baurçu küüyü için. Kiyatta erleştirili baurçuluların o cengtä pay alannar için annatmaları, Rusiya Federatıyasının korunmak Ministerliin Merkez arhivindan dokumentlar. O dokumentların arasında var seftä bulunan hem Baurçu için ölä bir rus askerin adı – Filip BREJNEV, Kursk dolayından duuması.

Kiyadın prezentaşıyasında pay alan gagauz yazıcıları Pelageya FİLİOĞLU hem Todur MARİNOĞLU, avtoru kutlayıp, urguladılar, ani bu kiyat pek yardımcı olacak üredecilerä, studentlara, ürencilerä hem hepsinä, kim meraklanär II-ci dünnää cenginnän, o bakışların uurundan, ani bitki vakıtlarda bizim devletimizin istoriyasını enidän yazmaa savaşırlar hem o ceng için aslısına "eniletmelär" kurmaa çalışşırlar.

Mariya NEDÄLKOVA, Gagauziya Regional bibliotekasının direktoru



Kukla teatruları Festivali oldu

Canavar ayın (oktabri) 19-27 günnerindä Türkiyenin baş kasabasinda Ankarada geçti "5-ci Halklarası Ankara kukla Festivali".



Festivaldä pay aldılar 9 devlettän kukla teatruları, rejisörlar, dramaturglar, pantomimocular hem gözlemcilär.

Festivali hazırladılar "Teatro Tempo" kukla teatrosunun hem Festivalin direktoru Marina YÜCE hem teatrunun rejisörü Halük YÜCE.

Not. Festival için taa derindän okuyun gazetemizin gelecek nomerindä.

"ANA SÖZÜ" Gagauz dilindä gazeta
Çıkär 14.08.1988 beeri

Kurucu "ANA SÖZÜ" S.R.L.
Sertifikat No. 1003600086420

Todur ZANET
Baş redaktor

İndeksi - PM – 21358

Gazeta "Universul" basım evindä basilär
Tiraj – 3020 ekz. Sımarlamak No: 1201

YAZIŞMA ADRESİMİZ:
RM – 2028, Moldova, Kişineu,
c/p Nr. 1025. Tel/fax: 022 28-18-04

e-mail: todur.zanet@gmail.com
zanet@anasozu.com